



**Broj: 02-11-1358/22.**

**Dana, 22.04.2022.**

Na osnovu člana 39 Statuta Općine Zavidovići, ("Službeni glasnik Općine Zavidovići" broj 5/08 i 5a/08), Programa utroška sredstava sa "Transfera za razvoj poljoprivrede" planiranog u Budžetu Grada Zavidovići za 2022 godinu, broj: 08-11-1336/22. od 14.04.2022 godine Gradonačelnik raspisuje:

### **JAVNI POZIV**

#### **za podnošenje zahtjeva za dodjelu općinskih podsticaja sa "Transfera za razvoj poljoprivrede" planiranog u Budžetu Grada Zavidovići za 2022 godinu**

U Budžetu Grada Zavidovići za 2022 godinu na poziciji Transfer za razvoj poljoprivrede predviđena su sredstva u iznosu od 150 000,00 KM.

Programom utroška sredstava sa „Transfera za razvoj poljoprivrede“ planiranog u Budžetu Grada Zavidovići za 2022 godinu utvrđene su vrste poljoprivredne proizvodnje za koje se dodjeljuju bespovratna novčana sredstva (u daljem tekstu: općinski podsticaj), opći i posebni uslovi, kriteriji i postupak dodjele, te prava i obaveze korisnika općinskih podsticaja.

#### **1. Kriteriji za raspodjelu sredstava odobrenih Budžetom Grada Zavidovići, sa Transfera za razvoj poljoprivrede, u iznosu od 150.000,00 KM**

Grad Zavidovići će dati prioritet razvoju pojedinih grana poljoprivredne proizvodnje u skladu sa Strategijom razvoja poljoprivrede 2018-2023, kao i u skladu sa ovogodišnjim poskupljenjima repromaterijala za poljoprivrednu proizvodnju, poskupljenja goriva, stočne hrane i uopšte smanjenog životnog stanovništva podsticanje poljoprivredne proizvodnje se ogleda kroz sljedeće modele:

- |  |              |
|--|--------------|
| 2.1. Podrška za držanje stoke radi proizvodnje mlijeka - ženskih rasplodnih grla goveda,                               | 10 000,00 KM |
| 2.2. Sufinansiranje nabavke lijekova i hrane za pčele udruženju pčelara „Pčelar“, Zavidovići                           | 2 500,00 KM  |
| 2.3. Podrška novim nasadima jagodičastog , bobičastog i drugog voća podignutim od jeseni 2021.do proljeća 2022. godine | 4 000,00 KM  |
| 2.4. Podrška za postojeće nasade jagodičastog i bobičastog voća,   | 6 000,00 KM  |
| 2.5. Podrška za ugovorenu proizvodnju povrća zasijanog ili zasađenog u proljeće 2022. godine                           | 7 000,00 KM  |
| 2.6. Podrška za proizvodnju povrća u plastenicima u 2022 godini  | 4 500,00 KM  |
| 2.7. Podrška za proizvodnju žitarica (kukuruz, pšenica,  |              |

raž, ječam, zob, tritikale,	21 000,00 KM
2.8. Podrška projektima u poljoprivredi	76 960,00 KM
2.9. Rezervna sredstva	18 040,00 KM
<hr/>	
	UKUPNO: 150.000,00 KM

### **OPĆI USLOVI:**

- Da podnosilac zahtjeva za podsticaj ima prebivalište kao fizičko lice ili sjedište za pravna lica na teritoriji Grada Zavidovići ili je vezan ugovorom za poljoprivrednike sa područja Grada Zavidovići.
- Podsticaj mogu ostvariti sva pravna i fizička lica koja su upisana u Registar poljoprivrednih gazdinstava i Registar klijenata kao nositelji poljoprivredne proizvodnje izuzetno i kao članovi PPG-a umjesto nositelja.
- Podsticaj se može ostvariti samo za proizvodnje koje su prijavljene u RPG u Gradu Zavidovići a koje se odnose na proizvodnju u stočarskoj ili biljnoj proizvodnji, ukoliko nije drugačije naznačeno u javnom pozivu.
- Podsticaj ne mogu ostvariti lica koja su u ranijem periodu nenamjenski utrošila sredstva za podsticaje dobijena od Grada, kao ni lica koja imaju bilo kakvih neizmirenih obaveza prema Gradu Zavidovići, niti lica koja su ranije ostvarila podsticaj prevarom ili koja prijave za podsticaj veći obim proizvodnje i veći broj grla stoke nego što stvarno posjeduju na gazdinstvu.
- Korisnici sredstava iz ovog programa, koji su pravna lica i obrtnici, dužni su dostaviti potvrdu nadležne porezne uprave da nemaju dospjelih, a neizmirenih poreznih obaveza.
- Zahtjevi za podsticaj, sa propisanom dokumentacijom, dostavljaju se na protokol Grada Zavidovići u roku koji će se utvrditi javnim pozivom.
- Svi korisnici podsticaja moraju dostaviti pismene dokaze o proizvodnji ili nabavci (račun, fiskalni račun, ugovor, otpremnica, pismenu izjavu i slično), što je preciznije utvrđeno posebnim uslovima)

### **POSEBNI USLOVI:**

#### **2.1. Podrška za držanje stoke radi proizvodnje mlijeka-ženskih rasplodnih grla goveda,.**

Pravo na podsticaj za držanje ženskih rasplodnih grla imaju poljoprivredni proizvođači u vlastitom ili zakupljenom objektu odnosno na imanju, drže minimalno dvije, a maksimalno pet rasplodnih krava starosti preko 24 mjeseca, a koja su prijavljena u RPG i RK na ime podnosioca zahtjeva.

Visina podsticaja iznosi 100,00 KM po prijavljenom grlu goveda.

Svi podnosioci podsticaja koji imaju veći broj grla stoke od maksimalnog broja nemaju pravo na općinski podsticaj i upućuju se na ostvarivanje podsticaja putem kantonalnog i federalnog Ministarstva za poljoprivredu, šumarstvo i vodoprivredu.

Na Javni poziv se dostavlja popunjen zahtjev koji će sadržavati:

- Ime, prezime, adresa, broj telefona, jmbg;
- Broj transakcijskog/tekućeg računa i naziv banke u kojoj je otvoren;
- Broj grla prijavljenih za poticaj sa kategorijama grla,

- Broj poljoprivrednog gazdinstva i broj klijenta;
- Ovjerene kopije pasosa za grla goveda, sa brojevima rasplodnih grla i starostima grla.
- Ovjerena izjava da rasplodna grla za koja je ostvaren podsticaj neće biti prodana ili otuđena u periodu od najmanje dvanaest mjeseci od dana dobijanja podsticaja

## **2.2. Sufinansiranje nabavke lijekova i hrane za pčele udruženju pčelara „Pčelar“ Zavidovići**

Sredstva u iznosu od 2 500,00 KM će se dodijeliti Udruženju građana „Pčelar“ Zavidovići. Pravo na sufinansiranje imaju svi članovi Udruženja „PČELAR“ srazmjerno broju košnica. Gradonačelnik će, ukoliko se ukaže potreba, imenovati posebnu komisiju koja će izvršiti provjeru činjeničnog stanja.

Na Javni poziv se dostavlja popunjen zahtjev koji će sadržavati:

- Naziv udruženja, sjedište, broj klijenta iz RK,
- Broj transakcijskog/tekućeg računa i naziv banke u kojoj je otvoren,
- Potvrda o izmirenim poreskim obavezama za predhodnu godinu,
- Dokaz o namjenski utrošenim sredstvima za posljednja dodijeljena sredstva po javnom pozivu za dodjelu sredstava.

## **2.3. Podrška novim nasadima jagodičastog, bobičastog i drugog voća podignutim u jesen 2021. godine i u proljeće 2022. godine**

Pravo na podsticaj imaju sva pravna i fizička lica koja su u jesen 2021. godine do proljeća 2022. godine podigli novi nasad jagodičastog, bobičastog i drugog voća. Podrška se odnosi na visinu cijene za kupljene sadnice voća po računu za sadnice na iznos minimalno 100,00 KM do maksimalno 300,00 KM.

Visina podsticaja iznosi 100,00 KM po jednom korisniku.

Na Javni poziv se dostavlja popunjen zahtjev koji će sadržavati:

- Ime, prezime, adresa, broj telefona, jmbg, površina novog nasada;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice, koja je prijavljena u RPG i RK na ime podnosioca zahtjeva.
- Broj poljoprivrednog gazdinstva i broj klijenta;
- Fiskalni račun i dokaz da se isti račun odnosi na korisnika podsticaja, (poreska faktura, otpremnica ovjerena od prodavača i td.)

## **2.4. Podrška za postojeće nasade jagodičastog i bobičastog voća u 2022 godini.**

Pravo na podsticaj imaju lica koja su prijavila proizvodnju jagodičastog i bobičastog voća u RPG u Grad Zavidovići, koja imaju nasad jagodičastog i/ili bobičastog voća podignut 2020 godine i ranije na površini od jednog duluma do maksimalno 10 duluma i imaju ugovor o otkupu voća zaključen sa određenim pravnim licem.

Visina podsticaja iznosi 50 KM po jednom dulumu površine nasada voćnjaka.

Na Javni poziv se dostavlja popunjen zahtjev uz koji će se priložiti:

- ovjerena kopija Ugovora sa otkupljivačem,
- Lista korištenja iz RPG-a o prijavljenom nasadu u 2020. 2021 i 2022 godini.

## **2.5. Podrška za ugovorenu proizvodnju povrća zasijanog ili zasađenog u proljeće 2022. godine**

Pravo na podsticaj imaju sva pravna i fizička lica koja su u proljeće 2022. godine izvršili sjetvu ili sadnju povrća na površini od minimalno 0,05 ha, (pola duluma). Priznati će se sjetva ili sadnja koja je izvršena na području Grada Zavidovića sa minimalnim brojem presadnica povrća od 2400 proračunatim po jednom dulumu te da je proizvodnja prijavljena u RPG u Gradu Zavidovići.

Visina podsticaja iznosi 50,00 KM po 0,1 ha, (dulumu).

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, zasađena površina;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice, koja je prijavljena u RPG i RK na ime podnosioca zahtjeva.
- Broj poljoprivrednog gazdinstva i broj klijenta;
- Fiskalni račun i poresku fakturu za kupljeno sjeme ili presadnice izdat na ime podnosioca zahtjeva i ugovor o zasnivanju proizvodnje i/ili otkupu povrća koje je zasijano ili zasađeno.

## **2.6. Podrška za proizvodnju povrća u plastenicima u 2022 godini**

Pravo na podsticaj imaju poljoprivredni proizvođači koji posjeduju plasteničku proizvodnju povrća, paradajza i paprike na površini minimalno 100 m<sup>2</sup> do maksimalno 400 m<sup>2</sup> i da su istu proizvodnju prijavili u RPG u Gradu Zavidovići. Kroz ovaj vid podrške neće se priznavati proizvodnja drugog povrća i drugih kultura osim paradajza i paprike.

Visina podsticaja iznosi 0,50 KM/m<sup>2</sup> površine plastenika.

Lica koja posjeduju više od 400 m<sup>2</sup> plasteničke proizvodnje nemaju pravo na općinski podsticaj za plasteničku proizvodnju i upućuju se na ostvarivanje podsticaja putem kantonalnog Ministarstva za poljoprivredu, šumarstvo i vodoprivredu.

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, ukupna površina plastenika;
- Broj transakcijskog/tekućeg računa i naziv banke u kojoj je otvoren;
- Naziv parcele, broj katastarske čestice gdje je plastenička proizvodnja, koja je prijavljena u RPG i RK na ime podnosioca zahtjeva.
- Broj poljoprivrednog gazdinstva i broj klijenta;

## **2.7. Podrška za proizvodnju žitarica (kukuruz, pšenice, ječma, zobi, raži, tritikalea na min. 0,2 ha, (dva duluma) do maksimalno 2,0 ha, (dvadeset duluma).**

Pravo na podsticaj imaju sva pravna i fizička lica koja su u jesen 2021 godine i u proljeće 2022. godine sa područja Grada Zavidovići, zasnovali proizvodnju žitarica, na površini od minimalno 0,2 ha do maksimalno 20,0 ha (od 2 do 20 duluma). Visina podsticaja iznosi 25,00 KM po 0,1 ha, (dulumu), površine.

Lica koja vrše sjetvu silažnog kukuruza i drugih žitarica za proizvodnju zelene mase, kao i lica koja posjeduju više od 20 duluma pod kulturom žitarica nemaju pravo na općinski podsticaj za proizvodnju žitarica i upućuju se na ostvarivanje podsticaja putem nadležnog Ministarstva za poljoprivredu, vodoprivredu i šumarstvo.

Na Javni poziv se dostavlja popunjen zahtjev koji sadrži:

- Ime, prezime, adresa, broj telefona, jmbg, zasijane površine;

- Broj transakcijskog/tekućeg računa i naziv banke u kojoj je otvoren;
- Naziv parcele ili parcela, broj katastarske čestice, koja je prijavljena u RPG i RK, a ukoliko nije prijavljena uz zahtjev priložiti dokaz o vlasništvu ili pravu korištenja zemljišta,
- Broj poljoprivrednog gazdinstva i broj klijenta;
- Fiskalni račun izdat na ime podnosioca zahtjeva za kupljeno sjeme ili fiskalni račun bez imena podnosioca zahtjeva i poreznu fakturu ili otpremnica izdata na ime podnosioca zahtjeva, kao i drugi dokazi.

## **2.8. Podrška projektima u poljoprivredi koji se realizuju u 2022 godini**

1. Podržat će se projekt nabavke dvadeset plastenika koji sufinasira 40% Muslim Aid Association Sarajevo, 40 % Grad Zavidovići i 20 % poljoprivrednici. Učešće Grada Zavidovića iznosi 26 960,00 KM. Uplata sredstava u cilju podrške projektu za plastenike izvršiće se po montiranju plastenika kod poljoprivrednika.
2. Podržat će se projekat izgradnje hladnjače za podhladu i sortiranje voća, povrća, šumskih plodova i gljiva koju će graditi PD „Berry-Fruit“ d.o.o. Zavidovići uz pomoć sredstava kroz projekat READP-a, nakon potpisanog Memoranduma o razumijevanju između Ureda za koordinaciju projekata, (PCU), pri Federalnom ministarstvu poljoprivrede, vodoprivrede i šumarstva i Grada Zavidovići. Učešće Grada Zavidovići u sufinansiranju projekta je 50 000,00 KM. Uplata sredstava u cilju podrške izgradnje hladnjače izvršiće se nakon dostavljanja projekta, zaključenog sporazuma i nakon izvještaja o realizaciji izgradnje hladnjače.

## **2.9. Rezervna sredstva**

Rezervna sredstva se mogu rasporediti na obavezu prema Federalnom ministarstvu poljoprivrede, vodoprivrede i šumarstva, za već stvorenu obavezu po podnešenim zahtjevima stranaka za uginuća stoke i štete, kao i za podršku poljoprivrednicima za nepredviđene stavke iz ovog Programa a prije svega za:

- Eventualne administrativne greške iz perioda dodjele podsticaja tokom 2021 godine,
- Iznenađna uginuća stoke kod poljoprivrednih proizvođača prijavljenih u RPG u Gradu Zavidovići,
- Podrška za predato mlijeko u otkup radi nedovoljne podrške po istom osnovu u 2021 godini,
- Izložbe poljoprivrednih proizvoda i druge opravdane zahtjeve, na osnovu podnešenog plana realizacije izložbe, izvještaja o realizaciji i finansijskog izvještaja sa priloženim računima za dio nastalih troškova održavanja izložbi poljoprivrednih proizvoda.

### **OBAVEZE SVIH KORISNIKA NAKON OSTVARIVANJA PODSTICAJA:**

Svaki korisnik podsticaja dužan je dobijena sredstva namjenski iskoristiti. Ukoliko se konstatuje da je korisnik podsticaja dobio sredstva na osnovu netačnih podataka ili ako su nenamjenski utrošena, korisnik gubi pravo da konkuriše za bilo koju vrstu podsticaja u razdoblju od pet godina, a nenamjenski utrošena ili prevarom dobijena sredstva će morati vratiti. Ovu kontrolu će vršiti Komisija koju formira Gradonačelnik nakon dodjele podsticajnih sredstava.

Evidenciju svih korisnika podsticajnih sredstava iz budžeta Grada Zavidovići i podatke o namjenskom utrošku sredstava će voditi Služba za upravu poljoprivrede, vodoprivrede i komunalnih poslova.

### **Završne odredbe:**

- Posebna Komisija imenovana od Gradonačelnika će odlučivati o usklađenosti zahtjeva sa javnim pozivom, programom, izvršenim upisima poljoprivrednika, korisnika Programa, u RPG i RK i prijavi poljoprivrednih površina u RPG i RK na koje se traži podsticaj, te će po nalogu Gradonačelnika izvršiti obilazak terena i donijeti prijedlog Zaključka o isplati podsticaja.
- Sve evidencije o korisnicima podsticaja vodi Služba za upravu poljoprivrede, vodoprivrede i komunalnih poslova.
- Ukoliko dođe do povećanja iznosa sredstava na tekućem transferu za razvoj poljoprivrede kroz rebalans Budžeta Grada Zavidovići povećati će se iznosi sredstava i po stavkama za podrške iz ovog Programa.
- Ukoliko se pojavi veći broj kandidata koji ispunjavaju uslove za podsticaje po određenim modelima, ukupan iznos podsticaja predviđen programom dijeli se na ukupan broj prijavljenih kandidata koji ispunjavaju uslove, tako da iznos podsticaja po jedinici mjere u tom slučaju može biti i manji nego što je predviđen.
- Ukoliko određeni iznos podsticaja po nekom od modela ostane neiskorišten, Gradonačelnik zadržava pravo preraspodjele novčane sume na neki od drugih modela podsticaja.
- Obrazac zahtjeva za podsticaje će izraditi nadležna služba Grada Zavidovići, a aplikanti će ga moći preuzeti na info-pultu Grada Zavidovići.
- Općinski načelnik zadržava pravo da umanji iznos podsticaja po pojedinim ili svim modelima ukoliko izvršenje budžeta bude manje od planiranog.
- Određuje se limit po jednom korisniku podsticaja od 2.000,00 KM kao maksimalni iznos za ostvarivanje podsticajnih sredstava po svim modelima podsticaja iz Budžeta Grada Zavidovići za 2022. godinu.

Obrasci zahtjeva za prijavu mogu se preuzeti na info pultu Grada Zavidovići i na službenoj web stranici [www.zavidovici.ba](http://www.zavidovici.ba), zajedno sa dokumentacijom predati u na protokol Općine Zavidovići.

Zahtjevi se podsticaj se predaju od 04. Maja do 31. Maja 2022 godine.

Navedeni rokovi se ne odnose na tačke 2.8 i 2.9 iz ovoga javnog poziva.

Sve dodatne informacije mogu se dobiti u Službi za upravu poljoprivrede, vodoprivrede I komunalne poslove, II sprat, kancelarija broj 204, svakim radnim danom od 07:00-15:30 sati i na kontakt telefon 032-206-737

Nepotpuni, neuredni, netačni i neblagovremeni zahtjevi za podsticaj neće se uzimati u razmatranje.

GRADONAČELNIK  
doc. dr. Hašim Mujanović